

श॒भूः । अ॒पां क्ष॒या कृ॒तस्य॑ गर्भाः । भुव॑नस्य गो॒पाः
 श्ये॒ना अ॒तिथ॑यः । प॒र्व॒ता॒नां ककु॑भः प॒यु॒तौ न पा॒ता-
 रः । व॒सु॒नेन्द्र॑ हूयत । घो॒षे॒णा॒मी॒वाश्चा॑तयत ॥ १ ॥

यु॒क्ता॒स्य॒ वह॑त । दे॒वा ग्रा॒वा॒ण इन्द्र॑रिन्द्र इत्य॑वा-
 दि॒षुः । ऐन्द्र॑मचुच्यवुः पर॒म॒स्याः परा॒वतः॑ । आ॒स्मात्
 स॒ध॒स्थात् । ओ॒रो॒रन्त॑रि॒क्षात् । आ॒सु भू॒तम॑सुषवुः । ब्र॒ह्म-
 वर्च॑सं म आ॒सुष॑वुः । स॒म॒रे रक्षा॑स्यवधिषुः । अ॒प॒हतं
 ब्र॒ह्म॒ज्य॒स्य । वाक् च॑ त्वा म॒नश्च॑ श्रीणीताम् ॥ २ ॥

प्रा॒णश्च॑ त्वापा॒नश्च॑ श्रीणीताम् । चक्षु॑श्च त्वा ओ॒च-
 च॑ श्रीणीताम् । द॒क्षश्च॑ त्वा ब॒लश्च॑ श्रीणीताम् । ओ-
 ज॑श्च त्वा स॒हश्च॑ श्रीणीताम् । आ॒युश्च॑ त्वा ज॒रा च॑ श्री-
 णीताम् । आ॒त्मा च॑ त्वा त॒नूश्च॑ श्रीणीताम् । श्रु॒तैः॒सि
 श्रु॒तं कृतः॑ । श्रु॒ताय॑ त्वा श्रु॒तेभ्य॑स्त्वा । यमिन्द्र॑माहुर्व॒रुणं॑
 यमा॒हुः । यं मि॒त्रमा॒हुर्यमु॑ स॒त्यमा॒हुः ॥ ३ ॥

यो दे॒वानां॑ दे॒वत॑मस्तपो॒जाः । तस्मै॑ त्वा तेभ्य॑-
 स्त्वा । मयि॑त्यदिन्द्रि॒यं म॒हत् । मयि॑ द॒क्षो मयि॑ क्रतुः ।
 मयि॑ धायि सु॒वीर्य॑म् । त्रि॒शु॒ग॒ध्य॒र्मा वि॒भा॒तु मे॑ । आ-
 कू॒त्या म॒नसा॑ स॒ह । वि॒रा॒जा ज्योति॑षा स॒ह । य॒ज्ञेन॑
 प॒यसा॑ स॒ह । तस्य॑ दो॒हम॑शीमहि ॥ ४ ॥